



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27/01-05-38844-105/19 KB
Sarajevo, 14.11.2019.godine

SKUPŠTINA KANTONA SARAJEVO

N/r: Predsjedavajući Skupštine

- Ovdje -

Predmet: Odgovor na zastupničku inicijativu zastupnice Neire Dizdarević – dostavlja se

Zastupnica Neira Dizdarević na 14. Radnoj sjednici Skupštine Kantona Sarajevo, održanoj dana 30.10.2019.godine, u okviru tačke Dnevnog reda „Poslanička/zastupnička pitanja, inicijativa i odgovori“, a u skladu sa članom 213. Poslovnika Skupštine Kantona Sarajevo uputila je **zastupničku inicijativu Vladi Kantona Sarajevo i resornim ministarstvima da poduzmu sve potrebne aktivnosti na donošenju pravnog okvira, kao i prostorno-planske dokumentacije kako bi se zabranila izgradnja mini hidrocentrala na Crnoj rijeci čija buduća akumulacija je predviđena za vodosnabdijevanje te u budućnosti ne bi bio ugrožen kvalitet vode za piće i da se navedeno područje, ukoliko nije, proglasi vodozaštitnom zonom najvišeg stepena.**

ODGOVOR:

Poštovani,

Razmatrajući inicijativu zastupnice Neire Dizdarević možemo konstatovati sljedeće:

1. Prostornim planom Kantona Sarajevo koji je usvojen od strane Skupštine Kantona Sarajevo i to *Odlukom o usvajanju prostornog plana Kantona Sarajevo za period 2003. – 2023.* („Službene novine Kantona Sarajevo“, broj: 26/06, 4/11 i 22/17), kao i *Odlukom o provođenju Prostornog plana Kantona Sarajevo za period 2003. – 2023.* („Službene novine Kantona Sarajevo“, broj: 26/06, 4/11 i 22/17), utvrđen je osnovni prostorno-planski dokument Kantona Sarajevo. Sve aktivnosti i intervencije u prostoru moraju biti usklađene sa istim, uz maksimalno poštivanje općih ciljeva, kao i ljudskih prava, sloboda i drugih načela na kojima se zasniva Prostorni plan.
2. Za realizaciju zadanih ciljeva u profiliranju Kantona Sarajevo kao regionalne i europske metropole, posebno mjesto zauzima pitanje vodosnabdijevanja, te odvodnje i prečišćavanja otpadnih voda. Tako je u poglavlju Plana broj **2.11. Vode, vodne površine i vodna infrastruktura** obrađena i Akumulacija Crna rijeka za koju se, pasus (3), navodi:

“U cilju stvaranja uslova za izgradnju ovog podsistema neophodno je, već u prvoj fazi realizacije Prostornog plana, izvršiti rezervaciju i zaštitu prostora, te nastaviti sa istražnim radovima i izradi istražno projektne dokumentacije.”



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax:+ 387 (0) 33 562-177

Sarajevo, Reisa Džemaludina Čauševića 1

Također, u navedenoj Odluci je utvrđena obaveza:

Član 91.

“Neophodno je dovesti do poboljšanja kvaliteta i kvantiteta površinskih voda na području Kantona, a tome će doprinijeti aktivnosti u oblasti prikupljanja i tretmana otpadnih voda, kao i sprečavanje nekontrolisane siječe šuma u slivnom području, deponovanje kabastog i ostalog otpada u vodotoka itd. Na karakterističnim mjestima potrebno je uvesti monitoring kvaliteta vodotoka. Ranije rađena kategorizacija vodotoka je nevažeća, te se utvrđuje obaveza izrade nove kategorizacije vodotoka kao pokazatelja kvaliteta vodotoka.

Utvrđuje se obaveza izrade katastra zagađivačaradi praćenja i reagovanja na negativne uticaje, a posebno na ekscesne situacije.

Posebnu pažnju u pogledu kvaliteta voda treba posvetiti onim vodotocima na kojim se planiraju akumulacije.”

Član 92.

“Vodne resurse na području Kantona neophodno je štiti zbog osiguranja dovoljnih količina vode za piće, za potrebe privrede i tehnološke potrebe, za sport, rekreaciju i za sve druge oblike korištenja (proizvodnja električne energije, balneološke potrebe, uzgoj riba i dr.) posebno kad se radi o bespravnoj izgradnji, uticaju postojećih građevina, uticaju površina sahranjivanja na vodozaštitnim i slivnim područjima, kao i drugim aktivnostima.”

Također se navodi, u poglavlju 2.11.4. **Iskorištenje vodnih snaga**

“Sve planirane akumulacije su višenamijenske i nakon vodosnabdijevanja koje je primarno, te izravnjanja proticaja, značajna namijena je i iskorištenje hidroenergetskog potencijala.

Također će na drugim vodotocima u zavisnosti od interesa biti predmet istraživanja i izgradnje niza mini hidroelektrana.

Za sve segmente treba da bude zajedničko jačanje institucionalnog ustroja i dosljedno sveobuhvatno provođenje zakonske regulative u sektoru voda, kako zbog samog sektora, tako i zbog zaštite okoliša u kojem su vode izuzetno značajan činilac.”


ZAKLJUČAK PO INICIJATIVI:

Shodno navedenom, nije moguće izvršiti gradnju mini-hidrocentrala na prostoru planirane akumulacije “Crna Rijeka”. U bilo kojem slučaju gradnje objekata u ovom obuhvata potrebno je pribaviti sve saglasnosti, u skladu sa Zakonom o prostornom uređenju Kantona Sarajevo (“Službene novine Kantona Sarajevo”, broj 24/17 i 1/18), uključujući i Studiju uticaja na okoliš, čime bi realizacija ovakvih projekata morala biti usaglašena sa navedenim propisima. Također, napominjemo da vodotoci **Crna Rijeka, Bijela Rijeka i Ilovica**, kao pritoke rijeke Željeznice koja je u **I kategoriji vodotoka, spadaju i u nadležnost Agencije za vodno područje rijeke Save**, koja bi u tom slučaju morala izdati odgovarajuće/potrebne vodne akte, uz konsultaciju sa nadležnim kantonalnim ministarstvom kao i Zavodom za planiranje Kantona Sarajevo.

S poštovanjem,

Dostavljeno:

1. Náslovu, 2x
2. Vlada Kantona Sarajevo, na znanje,
3. Evidencija,
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1